



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 120. Quæ pœnæ constitutæ contra dictam prohibitionem concedentibus & recipientibus jurisdictionem exercendam pro pretio, seu annuo censu ejusve exercitium.

[urn:nbn:de:hbz:466:1-73982](https://nbn-resolving.org/urn:nbn:de:hbz:466:1-73982)

relam, de Simon. cit. autem c. constitutus. Pensio seu census annuus non tanquam pretium & aestimatio remissæ jurisdictionis, sed in illius sive præteritæ jurisdictionis recognitionem, & concessæ libertatis signum sit reservatus, ut Gloss. in *cit. c. constitutus, v. recompensare.* Abb. *ibid. n. 17.* Suar. *de Simon. c. 24. n. 37.* Wiestn. *h. t. n. 5.* juxta *c. recepimus, de privileg.* Neque etiam praxis Curie Romanæ, in qua vendi videntur Clericatus Cameræ & Auditorum munia, habentia annexam jurisdictionem Ecclesiasticam nomine Papæ exercendam. Nam distinguendum inter jurisdictionem & emolumentum temporale, quorum prius vendi nequit sine Simonia; sed neque posterius ut jurisdictioni conjunctum. *Can. si quis objecerit, l. 9. 3.* Quo non obstante, vendi potest dictum emolumentum secundum se & nude spectatum, seu ut separatum ab illa jurisdictione. arg. *c. fin. h. t.* Non secus ac in beneficio fructus sine Simonia vendi possunt, dum illi usque illos percipiendi à titulo seu officio spirituali autoritate Pontificia separatum, ut Abb. *l. c. n. 2.* Angel. *V. Simonia 2. n. 2.* Suar. *l. c. c. 20. n. 6.* Castrop. *tr. 17. d. 3. p. 12. n. 7.* quos citat & sequitur Wiestn. *num. 6.* de quo posteriore sit

Quæst. 119. Num Possessiones, redditus Ecclesiæ, fructusque beneficiorum pro annuo censu elocari possint?

Resp. Affirmativè. arg. *c. fin. h. t.* Ubi dum agitur de locatione Ecclesiæ, nomine Ecclesiæ veniunt solum fructus & obventiones, possessiones Ecclesiæ seu ipsa prædia illius, ex quibus dicti fructus proveniunt, ut cum Gloss. in *cit. c. fin. V. Præfatam Ecclesiam.* hæc enim elocari possunt ad tempus modicum, ut patet ex *c. ad audientiam, de rebus Eccles. alien.* & quidem jure antiquo non ultra novennium, hodieum verò non ultra triennium citra licentiam Papæ. juxta *Extrav. ambitiose, de rebus Eccl. alien. ubi ea recepta.* Qua tamen constitutione etiam Covar. *l. 2. resol. c. 16. n. 6. in fin. Redoan. tract. de reb. Eccles. non alien. q. 58. n. 44. & seq.* Et alii nonnulli probabiliter putent prohiberi tantum ad triennium locationem rerum Ecclesiæ, quales sunt fundi & prædia, non verò fructuum; sed hos ultra triennium elocari posse, etiam ad vitam beneficiarii; contrarium tamen in puncto juris veriùs censet Pirh. *h. t. n. 6.* eò quod dicta constitutio generaliter loquatur prohibendo ultra triennium elocari omnes res & bona Ecclesiastica, fructus autem beneficiorum sint etiam res & bona ecclesiastica.

Quæst. 120. Quæ pœna constituta contra dictam prohibitionem concedentibus & recipientibus jurisdictionem exercendam pro pretio seu annuo censu ejusve exercitium?

Resp. Tam dans quàm recipiens jurisdictionem ecclesiasticam, regimen Ecclesiæ, seu animarum pro pretio, excluduntur ab Ecclesia, in cujus contumeliam res seu pretium datum & acceptum. *c. consulere de Simon.* Dein dans pretium pro officio, jurisdictione & regimine Ecclesiæ, à Clero remouetur, & sic amittit officium & jurisdictionem concessam. Episcopus etiam eam concedens perdit potestatem concedendi hujusmodi officium, *c. 10. h. t.* item suspenditur ad tempus pro qualitate delicti. *c. 2. h. t. & ibid. Gloss. v. percellatur.*

Quæst. 121. Qualiter Papa sine Simonia exigat & recipiat annatas?

Resp. Annatas (hoc est, integros fructus primi anni ex Episcopatus, Prælatutis aliisque beneficiis vacantibus, dum hi excedunt summam 24. aureorum) sine Simonia justè & rationabiliter exigat ac recipit Papa, ut ostendunt Fagn. in *c. 1. h. t. Azor. p. 2. l. 7. c. 12.* cum non exigantur & solvantur pro collatione seu provisione Prælaturarum & beneficiorum tanquam pretium, aut merces conferenti debita, nec pro ullo jure spirituali aut spiritualibus annexo, sed tanquam fructus ad eum spectantes, quos, uti potuit, separatos à beneficiis sibi reservavit justo titulo, nimirum partim suæ seu Sacræ Sedis, partim in ministrorum seu officialium, quorum opera in totius Ecclesiæ gubernatione eger, sustentationem, adeoque quod suum est, sibi que competit veluti quid temporale, ab omni titulo & jure beneficii separatum exigat, & confert. Confirmaturque id ipsum exemplo summi Sacerdotis veteris legis, cui à minoribus Sacerdotibus ac Levitis ex præcepto divino, *c. 18. Numeror.* debebantur & solvebantur decimæ decimarum. Item à simili, dum omnibus Ecclesiis & Clericis suæ diocesis Episcoporum est imponere, & ab iis exigere subsidium caritativum pro suis necessitatibus. Item ex eo, quòd si Papa conferens alicui beneficium fructus illius reservare potest ex parte vel ex toto in alterius indigentis subsidium, vel pensionem beneficio imponere in gratiam alterius, cur non etiam id ipsum possit in commodum Cameræ suæ, vel Ministrorum suorum necessitatibus egentium; ita ferè Pirh. *h. t. num. 9.* qui etiam *num. 10.* bene advertit, signum manifestum esse; has annatas non pendit pro collatione beneficiorum, sive sint ex majoribus & consistorialibus, ut Episcopatus, Abbatia, sive ex minoribus, sed tanquam fructus primi anni Pontifici servatos, quòd dum eadem Prælatuta seu beneficium intra annum bis aut sæpius vacat, illudque successivè duobus vel tribus confertur, annata non nisi semel exigantur & solvantur. Verùm de annatis vide me fusiùs tractantem in *foro beneficii* p. 2. q. 601. & p. 3. q. 189. & 190.

TITULUS V.

De Magistris, & ne aliquid exigatur pro Licentia docendi.

Quæst. 122. Literatorum gradus quotuplices sint, & quid singuli importent?

Resp. Primò: Literatorum in scientia aliqua seu disciplina, sive facta, sive profana testimonio & honore publico ornatorum tres Ordines seu gra-

di sunt, nempe Baccalaureatus, Licentia, Doctoratus seu Magisterium, etiam in locis aliquibus hi gradus non omnes, vel non ita gradatim recipiuntur, & cæteri supremo præmittantur.

2. Resp. Secundò: In loco infimo stant Baccalaurei, sic magis congruè dicti à Bacca lauri sive ejus frondibus jam baccatis & frugiferis, ut Alciat. in *L.*